

Candidate Name \_\_\_\_\_

Centre Number	Candidate Number

**International General Certificate of Secondary Education  
CAMBRIDGE INTERNATIONAL EXAMINATIONS**

**FOREIGN LANGUAGE MALAY**

**PAPER 2** Reading and Directed Writing

**0546/2**

**MAY/JUNE SESSION 2002**

2 hours 15 minutes

Candidates answer on the question paper.  
No additional materials are required.

**TIME** 2 hours 15 minutes

**INSTRUCTIONS TO CANDIDATES**

Write your name, Centre number and candidate number in the spaces at the top of this page.

Answer **all** questions in **Section 1** and **Section 2**.

You may also attempt **Section 3**.

Write your answers in the spaces provided on the question paper.

**INFORMATION FOR CANDIDATES**

The number of marks is given in brackets [ ] at the end of each question or part question.

FOR EXAMINER'S USE	
<b>Section 1</b>	
<b>Section 2</b>	
<b>Sub-Total</b>	
<b>Section 3</b>	
<b>TOTAL</b>	

---

**This question paper consists of 18 printed pages and 2 blank pages.**





## Section 1

## Exercise 1 Questions 1–6

Pilih jawapan yang betul untuk soalan-soalan di bawah ini:

- 1 Alan dan Rama mengulangkaji untuk peperiksaan mereka dalam masa dua bulan lagi. Mereka selalu belajar bersama di...

**A**  perpustakaan

**B**  arkib negara

**C**  kolam renang

**D**  ibu pejabat pos

[1]

- 2 Waktu semasa matahari tenggelam dipanggil waktu...

**A**  subuh

**B**  fajar

**C**  tengah hari

**D**  senja

[1]

- 3 Salah satu daripada jawapan di bawah ialah pengangkutan awam:

**A**  kereta api

**B**  basikal

**C**  kereta

**D**  motosikal

[1]

4 Anda mahu makan makanan berdaging, pilih makanan pilihan anda di bawah:

**A**  sayur kobis

**B**  pisang goreng

**C**  kari ikan

**D**  rendang lembu

[1]

5 Imran berkahwin dengan Asiah. Ibu dan bapa Asiah ialah...

**A**  iparnya

**B**  mertuanya

**C**  menantunya

**D**  sepupunya

[1]

6 Kalau hari ini hari Sabtu, lusa ialah hari...

**A**  Ahad

**B**  Isnin

**C**  Selasa

**D**  Jumaat

[1]

[Total : 6]

**Exercise 2 Questions 7–12**

Baca iklan di bawah ini dengan teliti dan kemudian jawab soalan-soalan yang berikutnya.

## HOTEL FORTUNA MEMERLUKAN ANDA!!!!

Adakah anda seorang yang peramah? Adakah anda suka bertemu dan bersosial dengan orang ramai? Adakah anda seorang yang cekap dan bersedia untuk bekerja malam? Jika jawapan anda ialah 'ya' dan anda berumur antara 20-30 tahun, Hotel

Fortuna mungkin mempunyai pekerjaan yang sesuai dengan anda. Jawatan pengurus di waktu malam ialah jawatan sementara dan selain daripada gaji bulanan sebanyak RM800.00 anda akan dibayar elaun pekerjaan malam. Gaji anda juga mungkin akan dinaikkan sekiranya anda mempunyai pengalaman bekerja di hotel sebelum ini. Pihak pengurusan Hotel Fortuna tidak memilih jantina asalkan calon tersebut mempunyai kelayakan seperti yang disebutkan di atas. Sekiranya anda pandai bercakap lebih daripada satu bahasa asing selain daripada bahasa ibunda anda, anda akan mendapat pertimbangan. Jangan berlengah lagi.

Hubungilah Encik Hashim Idris,  
Hotel Fortuna,  
Nombor telefon: 04-3350829

ataupun hantarlah permohonan anda kepada:  
Encik Hashim Idris,  
Hotel Fortuna,  
51-55 Jalan Benua,  
451920 Kuala Lumpur.

Permohonan ini ditutup pada 28 Mei 2002.

**Tandakan benar atau salah bagi soalan-soalan berikut ini:**

	Benar	Salah	
7 Iklan di atas ialah mengenai permohonan pekerjaan.	<input type="checkbox"/>	<input type="checkbox"/>	[1]
8 Jawatan ini ialah untuk pengurus pada waktu siang.	<input type="checkbox"/>	<input type="checkbox"/>	[1]
9 Selain daripada gaji setiap bulan, pekerja akan mendapat elaun.	<input type="checkbox"/>	<input type="checkbox"/>	[1]
10 Hotel Fortuna lebih suka mengambil pekerja lelaki.	<input type="checkbox"/>	<input type="checkbox"/>	[1]
11 Kebolehan menggunakan bahasa asing diberi pertimbangan.	<input type="checkbox"/>	<input type="checkbox"/>	[1]
12 Ada satu saja cara untuk menghubungi Encik Hashim Idris.	<input type="checkbox"/>	<input type="checkbox"/>	[1]

[Total : 6]

**Exercise 3 Questions 13–16**

Baca pengumuman di bawah ini dengan teliti dan kemudian jawab soalan-soalan berikutnya.

### Siapakah yang menyaksikan kemalangan ini?

Seorang pelajar lelaki berumur 10 tahun telah mendapat cedera parah dalam satu kemalangan pada 27 April 2002. Peristiwa ini berlaku pada jam 2.30 petang ketika pelajar tersebut sedang berjalan pulang dari sekolah. Penunggang motosikal yang melanggarnya juga jatuh tetapi dikatakan menunggang motosikalnya semula dan terus memecut ke arah bandar. Menurut seorang saksi, motosikal ini berwarna merah dan pemandunya tidak memakai topi keledar.

Pihak polis sedang membuat penyiasatan dan memerlukan lebih banyak maklumat mengenai kemalangan ini. Sesiapa yang menyaksikan kejadian ini atau mempunyai apa-apa maklumat mengenai penunggang motosikal tersebut, sila hubungi:

Balai Polis Simpang Dua,  
No. Tel: 04:5617822

**Tandakan ayat yang betul dalam ayat-ayat berikut:**

**13** Pengumuman di atas ialah mengenai...

- |          |                          |                              |
|----------|--------------------------|------------------------------|
| <b>A</b> | <input type="checkbox"/> | kemalangan                   |
| <b>B</b> | <input type="checkbox"/> | perlumbaan motosikal         |
| <b>C</b> | <input type="checkbox"/> | pelajar sekolah              |
| <b>D</b> | <input type="checkbox"/> | cara berjalan dengan selamat |

[2]

**14** Peristiwa tersebut berlaku semasa...

- |          |                          |   |
|----------|--------------------------|---|
| <b>A</b> | <input type="checkbox"/> | pelajar itu sedang dalam perjalanan ke sekolah          |
| <b>B</b> | <input type="checkbox"/> | penunggang motosikal sedang pulang dari sekolah         |
| <b>C</b> | <input type="checkbox"/> | pelajar itu sedang dalam perjalanan pulang dari sekolah |
| <b>D</b> | <input type="checkbox"/> | penunggang motosikal sedang berjalan pulang             |

[2]

15 Pilih jawapan yang betul:

- A**  Pelajar yang terlibat tidak cedera
- B**  Tidak ada saksi yang melihat kemalangan itu berlaku
- C**  Penunggang menolong pelajar sebelum memecut ke arah bandar
- D**  Polis ingin menghubungi sesiapa yang menyaksikan kemalangan tersebut [2]


16 Menurut pengumuman di atas penunggang motosikal melakukan sekurang-kurangnya satu kesalahan, iaitu:

- A**  menunggang motosikal tanpa lesen
- B**  tidak memasang lampu semasa menunggang motosikal
- C**  tidak memakai topi keledar keselamatan
- D**  penunggang motosikal menghubungi polis [2]

[Total : 8]

**Exercise 4 Question 17**

- 17 Lihat peta di bawah. Ceritakan kepada kawan anda perjalanan anda dari rumah ke sekolah. Bagaimanakah anda pergi ke sekolah setiap hari dan apakah yang anda lihat di sepanjang jalan. Sebutkan semua yang anda nampak dalam perjalanan anda.





.....

.....

.....

.....

.....

.....

[Total : 10]

## Section 2

## Exercise 1 Questions 18–26

Baca petikan di bawah dan jawab soalan-soalan berikutnya.

Angin semakin kuat meniup dan langit semakin gelap. Ali keseorangan di rumah dan dia semakin gelisah kerana lampu rumah kesemuanya padam apabila tiang lampu di jalan raya tumbang ditimpa pokok kelapa. Tidak pernah ibu dan bapanya lambat pulang seperti ini. Biasanya mereka akan menelefon. Tapi, mungkin telefon juga rosak! Ali meluru ke bilik depan dan mengangkat gagang telefon. Memang betul. Telefon juga rosak dan Ali rasa menyesal tidak mahu mengikut ibu dan bapanya ke rumah neneknya pagi tadi. Biasanya kalau pulang ke rumah nenek pada waktu pagi, mereka sudah pun sampai di rumah pada pukul lima atau enam petang.

Ali tabahkan hati dan selepas menutup semua tingkap dan pintu rumahnya, dia duduk di kerusi empuk di ruang tamu untuk menunggu kepulangan ibu bapanya. Dia memasang lilin yang memang sedia ada di atas meja untuk malam-malam seperti ini. Nasib baiklah mereka sentiasa bersiap sedia. Kata orang tua-tua, sediakan payung sebelum hujan.

Dalam cahaya lilin yang tidak begitu terang itu, Ali cuba membuat kerja sekolahnya. Matanya mula mengantuk tetapi sekali sekala dia terjaga apabila guruh dan petir sabung-menyabung. Jam sudah menunjukkan pukul 10 malam tetapi ibu bapanya entah di mana.

Tiba-tiba kedengaran pintu dapur dibuka orang. Dan dengan sekelip mata suatu lembaga menjelma di sisi Ali dan sebelum Ali dapat menjerit, lembaga itu mengangkat tubuh kerdil Ali dan menggoncang-goncang badannya. Ali menjerit tetapi suaranya tidak keluar. Dia cuba melihat rupa lembaga itu tetapi setiap kali dia menoleh kepadanya, dia ditampar beberapa kali. Lembaga itu memaksa Ali duduk di meja dan memegang tangannya kuat-kuat. Dia tidak nampak apa-apa dalam kegelapan itu, tetapi tangannya seperti dibakar dan dia menjerit lagi sambil merontaronta.

Sekali lagi dirasa mukanya ditampar dan tubuhnya digoyang-goyang. Dia memberanikan diri untuk membuka matanya. Rupa-rupanya orang yang menamparnya ialah ayahnya sementara ibunya yang menggoyang tubuhnya. Apabila tersedar bahawa dia tertidur dan hanya bermimpi, Ali terus ketawa. Lampu sudah terpasang semula, dan Ali ternampak kesan terbakar di tangan apabila lilin panas menitik ke atas tangannya. Selagi ada tanda melecur ini, Ali tidak akan lupa peristiwa pada malam ribut ini.

**Jawab soalan-soalan berikut ini:**

**18** Mengapakah semua lampu di rumah Ali terpadam?

.....  
.....[2]

**19** Mengapakah Ali meluru ke bilik depan?

.....[1]

**20** Ibu bapa Ali pergi ke mana?

.....[1]

**21** Apakah yang disediakan oleh ibu dan bapa Ali untuk malam-malam ribut seperti ini?

.....[1]

**22** Bagaimanakah keadaan Ali semasa membuat kerja sekolahnya?

.....[1]

**23** Apakah yang dibuat oleh ibu bapa Ali semasa mendapatinya tertidur?

.....  
.....[2]

**24** Mengapakah Ali cuba menjerit?

.....[1]

**25** Apakah yang sentiasa mengingatkan Ali akan malam ribut ini?

.....[1]

**26** Apakah maksud 'sediakan payung sebelum hujan'?

.....  
.....[2]

[Total : 12]

**Exercise 2 Questions 27–30**

Baca surat di bawah ini dan jawab soalan-soalan yang berikutnya:

Badrol bin Hassan,  
10 Jalan Kota Lama,  
Kota Lama,  
Kuantan,  
102042 Pahang

23 Mei 2002

Kepada:  
Ketua,  
Majlis Perbandaran Kota Lama,  
Kota Lama,  
Kuantan, Pahang

Tuan/Puan,

**Per: Sampah-sarap tidak dikutip**

Saya sebagai penduduk Kota Lama ingin menarik perhatian tuan/puan kepada masalah sampah yang semakin menimbun di simpang Jalan Kota Lama/Jalan Kemboja. Terakhir sekali pihak Majlis Perbandaran datang untuk mengutip sampah ialah pada 10 Mei lalu.

Oleh kerana sampah yang semakin banyak, penduduk sekitar kawasan ini tidak tahan lagi dengan bau busuk yang datang dari tempat ini. Yang memburukkan lagi keadaan ialah lalat yang semakin banyak. Dan inilah yang menimbulkan kebimbangan kami kerana kebersihan yang tidak dijaga akan membawa penyakit.

Saya, bagi pihak penduduk di sini, meminta kerjasama pihak tuan/puan untuk membuang sampah ini secepat mungkin.

Sekian. Terima kasih.

Yang benar,

(Badrol bin Hassan)

**Jawab soalan-soalan di bawah ini:**

**27** Apakah yang menyebabkan penulis menulis surat di atas?

.....[1]

**28** Bilakah hari terakhir sampah dikutip di kawasan Jalan Kota Lama?

.....[1]



## Section 3

## Exercise 1 Questions 31–36

Baca dialog di bawah ini dengan teliti. Kemudian jawab soalan-soalan yang berikutnya.

<b>Salina:</b>	Kegagalanmu dalam peperiksaan itu bukan bererti bahawa segala-galanya sudah berakhir. Engkau tidak seharusnya menyesali diri sendiri. Kak Salina tahu, malahan emak dan ayahmu pun tahu bahawa engkau sudah berusaha secukupnya. Emak dan ayahmu tidak pernah memarahi engkau atas kegagalanmu itu.
<b>Hilmy:</b>	Saya berasa sungguh hampa, Kak Salina. Kalau lulus saya ingin melanjutkan pelajaran ke universiti. Ini mungkin disebabkan kesilapan saya sendiri kerana memilih bidang sains. Rupa-rupanya saya tidak mampu menyaingi pelajar lain dalam bidang ini. Dengan kegagalan ini masa depan saya akan menjadi gelap.
<b>Salina:</b>	Jangan mudah putus asa, Hilmy. Cuba kau lihat Kak Salina sendiri. Pelajaran Kak Salina pun tidak setinggi mana.
<b>Hilmy:</b>	Tetapi Kak Salina sudah menjadi seorang usahawan wanita yang berjaya. Kak Salina mempunyai sebuah kilang perusahaan batik sendiri.
<b>Salina:</b>	Ya, Kakak bersyukur atas segala pemberian Tuhan kepada Kakak. Tetapi untuk pengetahuan Hilmy, Kakak tidak pernah menyesal kerana tidak memasuki menara gading dahulu. Kakak terpaksa berhenti sekolah kerana orang tua Kakak tidak berupaya membiayai persekolahan Kakak sehingga ke peringkat menengah atas. Hendak masuk universiti? <i>Jauh panggang dari api.</i>
<b>Hilmy:</b>	Kalau begitu, bagaimana Kakak boleh menempa kejayaan seperti ini?
<b>Salina:</b>	Dari Kuala Lumpur Kakak berhijrah ke Kota Bharu dan tinggal bersama emak saudara Kakak. Dia telah menyuruh kakak bekerja sambil belajar di sebuah kilang batik di sana. Selama 11 tahun Kakak bergelumbang dengan kerja-kerja memperoses kain batik, sehingga Kakak dapat memahami segala selok-belok perusahaan tersebut. Kini, Kakak sudah dapat berdikari.
<b>Hilmy:</b>	Apakah nasihat Kakak kepada saya untuk berjaya dalam hidup pada masa hadapan?
<b>Salina:</b>	Kakak difahamkan bahawa Hilmy berminat dalam bidang seni ukir. Kebetulan pula Kakak mempunyai seorang rakan yang baru saja membuka perusahaan membuat cenderamata yang dibuat daripada bahan logam. Kalau setuju, Kakak akan masukkan Hilmy bekerja sambil belajar di syarikat kawan Kakak itu. Perusahaan ini amat berpotensi.
<b>Hilmy:</b>	Ya, saya baru teringat akan kata-kata cikgu tempoh hari. Cikgu memberitahu saya bahawa negara kita Malaysia kini sedang menuju ke arah pencapaian wawasan 2020. Dalam tahun 2020 nanti Malaysia akan menjadi sebuah negara industri di rantau ini.
<b>Salina:</b>	Benar kata-kata cikgu itu. Untuk mencapai wawasan tersebut, rakyat Malaysia tidak sepatutnya menumpukan perhatian kepada bidang akademik saja. Pelbagai bidang kemahiran perlu kita teroka bersama.

Pilih satu jawapan yang betul:

31 Hilmy hampa kerana...

- |          |                          |  |     |
|----------|--------------------------|--|-----|
| <b>A</b> | <input type="checkbox"/> | tidak dapat masuk universiti                       |     |
| <b>B</b> | <input type="checkbox"/> | ibu bapanya memarahinya                            |     |
| <b>C</b> | <input type="checkbox"/> | Salina tidak memberi nasihat                       |     |
| <b>D</b> | <input type="checkbox"/> | gurunya menasihatinya untuk mengambil bidang sains | [2] |

32 Siapakah Hilmy kepada Salina?

- |          |                          |         |     |
|----------|--------------------------|---------|-----|
| <b>A</b> | <input type="checkbox"/> | kenalan |     |
| <b>B</b> | <input type="checkbox"/> | abang   |     |
| <b>C</b> | <input type="checkbox"/> | anak    |     |
| <b>D</b> | <input type="checkbox"/> | murid   | [2] |

33 Salina menasihati Hilmy supaya...

- A** tidak berputus asa
- B** belajar di universiti
- C** bekerja di kilang Kak Salina
- D** mengambil peperiksaan sekali lagi [2]

34 Satu pernyataan mengenai Salina di bawah ini benar:

- A** berpelajaran tinggi
- B** tidak pernah tinggal di Kota Bharu
- C** bekerja sambil belajar dalam perusahaan batik
- D** mempunyai minat dalam seni ukir [2]

35 Menurut Salina, matlamat wawasan 2020 akan dapat dicapai sekiranya rakyat Malaysia melibatkan diri dalam bidang...

- A** akademik semata-mata
- B** perindustrian semata-mata
- C** akademik dan pelbagai bidang kemahiran
- D** perniagaan batik dan cenderamata [2]

36 Apakah yang dimaksudkan oleh peribahasa *jauh panggang dari api*?

- A** sesuatu yang tidak mungkin tercapai
- B** sesuatu yang hendak dipanggang tidak akan masak jika jauh dari tempat membakar
- C** untuk menjaga keselamatan harta benda, kita haruslah menjauhi bahaya api
- D** sama dengan peribahasa "jangan bermain api" [2]

[Total : 12]

## Exercise 2 Questions 37–43

Baca petikan di bawah ini dan kemudian tanda jawapan yang betul.

### PROTON WAJA LAMBANG KEMERDEKAAN



Kemerdekaan yang ke-43 mencatatkan kejayaan manis bagi industri automotif negara apabila Proton (Perusahaan Otomobil Nasional Berhad) melahirkan Proton Waja.

Kelahirannya pada hari ulangtahun kemerdekaan alaf baru ini merupakan satu detik yang bersejarah bagi negara memandangkan keupayaan industri automotif negara mencapai misinya melahirkan kereta buatan tempatan sepenuhnya.

Proton Waja juga adalah lambang 'kemerdekaan' bagi industri automotif negara kerana model itu lahir tanpa bantuan 'orang asing', seperti negara Jepun.

Seramai 300 jurutera tempatan mengambil masa 36 bulan, 1.7 juta jam bekerja untuk melahirkan Proton Waja.

Mengimbas kembali sejarah, Proton telah ditubuhkan pada 7 Mei 1983 dan ia mengambil masa dua tahun untuk melancarkan kereta pertama, Proton Saga pada tahun 1985.

Orang yang bertanggungjawab di atas penubuhan dan kejayaan Proton ialah Perdana Menteri, Datuk Seri Dr. Mahathir Mohamad. Cabaran dan dorongan beliau selama ini telah memacu Proton untuk melahirkan beberapa model baru iaitu Iswara, Satria, Tiara, Wira,

Putera, Perdana, Satria GTi dan Perdana V6 dan akhir sekali Waja.

Bukan sahaja Proton yang mencatatkan kejayaan selama ini. Perodua yang ditubuhkan pada 1 Ogos 1994 turut menjulang nama Malaysia di persada industri automotif dunia.

Proton dan Perodua bersama-sama memajukan industri automotif negara dan menyumbangkan pendapatan yang bukan sedikit kepada negara selain membawa imej ke serata dunia. Industri automotif negara telah berkembang pesat bagi tempoh 17 tahun dan menunjukkan kematangan yang sebenar.

Proton masih mendominasi pasaran bagi segmen kereta penumpang dengan menguasai 65 peratus manakala Perodua menguasai 27 peratus.

Dari segi harga, kereta buatan nasional memang menjadi pilihan.

Proton boleh diumpamakan sebagai seorang pelajar yang berusia 17 tahun – ia memerlukan masa yang lebih panjang untuk mencapai tahap kematangan sebenar. Malaysia masih memerlukan masa untuk benar-benar menghasilkan 100 peratus kereta nasional dengan komponen-komponen tempatan.



**Jawab soalan-soalan berikut ini:**

**37** Mengapakah kelahiran Proton Waja dianggap sebagai detik bersejarah bagi Malaysia?

(i) .....[1]

(ii) .....[1]

**38** Siapakah yang dimaksudkan sebagai 'orang asing' dalam petikan di atas?

.....[1]

**39** Apakah peranan Perdana Menteri dalam industri otomobil Malaysia?

.....[1]

**40** Petikan di atas ialah mengenai industri otomobil negara Malaysia. Namakan industrinya.

(i) .....[1]

(ii) .....[1]

**41** Di Malaysia, apakah faktor yang menjamin bahawa Proton menjadi pilihan pengguna?

.....

.....[2]

**42** Pada pendapat anda, apakah sumbangan Proton kepada negara?

(i) .....[1]

(ii) .....[1]

**43** Mengapakah penulis membandingkan pencapaian Proton dengan pelajar 17 tahun?

.....[1]

[Total : 11]

**Exercise 3 Questions 44–63**

Isikan perkataan yang betul dalam tempat-tempat kosong di dalam petikan di bawah.

KUALA LUMPUR (Isnin): Dua orang pelajar sebuah sekolah menengah telah (44) ..... hilang semasa dalam lawatan (45) ..... belajar di Pulau Musang. Menurut seorang jurucakap polis, mereka telah terpisah (46) ..... rombongan Sekolah Menengah Sungai Dua, Perak semasa (47) ..... membeli belah di sebuah pasar.

Manisah binti Omar, 14 dan Lee Chee Ann, 13, (48) ..... Tingkatan Dua di sekolah itu telah dilaporkan hilang oleh guru mereka, Encik Samsudin Salleh apabila usaha mencari mereka (49) ..... dua jam gagal. Menurut Encik Samsudin, “Kami telah (50) ..... ibu bapa mereka untuk mengetahui sama ada mereka telah menelefon ataupun pulang ke rumah. Nampaknya mereka tidak (51) ..... demikian.”

Beliau menambah bahawa pihak sekolah dan juga ibu bapa semakin (52) .....

Rombongan sambil belajar itu telah (53) ..... dari Sungai Dua, empat hari yang (54) ..... (55) ..... pelajar yang dilaporkan hilang itu adalah antara 35 orang pelajar yang ditemani empat orang guru. Mereka dijangka akan pulang esok.

Terakhir sekali Manisah dilihat oleh kawan-kawan dan guru-gurunya, dia (56) ..... seluar panjang hitam dan baju kuning berjalur hijau. Dia juga memakai tudung (57) ..... putih. Chee Ann pula memakai seluar panjang putih dan berbaju tangan pendek berwarna merah.

Ketika dihubungi, ibu bapa Manisah merayu kepada kedua orang pelajar itu (58) ..... pulang dengan segera.

“Kalau mereka (59) ..... kesusahan, mereka mestilah menghubungi pihak polis. Saya risau mereka dalam keadaan bahaya,” kata Puan Rohaya Aziz, 43.

Encik Lee Tuan Cheng, 44 dan isterinya, Puan Lee Sui Lee, 43, juga merasa (60) ..... terhadap kehilangan anak tunggal (61) ..... . Katanya, “Chee Ann menelefon kami semalam (62) ..... memberitahu bahawa dia sungguh seronok terlibat dalam lawatan ini. Banyak yang telah dipelajarinya. Saya tidak faham (63) ..... dia lesap begitu sahaja dan tidak menelefon kami lagi.”

[Total : 10]

